

KENYATAAN MEDIA



KEMENTERIAN PERDAGANGAN DALAM NEGERI DAN HAL EHWAL PENGGUNA
No. 13 Persiaran Perdana, Presint 2,
62623 Putrajaya
No. Telefon : 03-8882 5562
No. Fax : 03-8882 5569

BEKALAN MINYAK MASAK BERSUBSIDI PAKET 1 KILOGRAM DI PULAU PINANG MENCUKUPI UNTUK KEGUNAAN ISI RUMAH DOMESTIK

PULAU PINANG, 16 NOVEMBER 2021 – Kementerian Perdagangan Dalam Negeri dan Hal Ehwal Pengguna, Negeri Pulau Pinang (KPDNHEP) ingin merujuk kepada petikan sebuah akhbar tempatan bertajuk “**Minyak Masak Peket Kurang Di Pasaran**” bertarikh 14 November 2021.

2. Kenyataan diatas merujuk kepada isu mengenai kesukaran peniaga-peniaga kecil untuk mendapatkan bekalan **minyak masak bersubsidi 1 kilogram** di daerah Timur Laut dan Barat Daya, Pulau Pinang.

3. KPDNHEP Pulau Pinang telah menjalankan pemeriksaan ke atas 24 syarikat pembungkus yang membekalkan sejumlah 3.434 juta kilogram minyak masak bersubsidi (3.4 juta paket polibeg 1kg) setiap bulan di Pulau Pinang dan mendapati tidak berlaku gangguan diperingkat pengeluaran dan pengedaran ke pasaran.

4. Sejumlah 1.9 juta kilogram minyak masak bersubsidi paket polibeg 1 kilogram telah diedar kepada pasaraya dan peruncit untuk kegunaan **isi rumah domestik di seluruh Pulau Pinang** dengan baki berjumlah 1.5 Juta kilogram akan diedarkan pada bulan ini.

5. Untuk makluman, tiga (3) daripada 24 syarikat pembungkus adalah beroperasi di Georgetown dengan kuota pengeluaran sebanyak 247,000 kilogram setiap bulan bagi kegunaan isi rumah domestik di daerah Timur Laut dan Barat Daya, Pulau Pinang.

6. Selain dari tiga (3) syarikat di atas, syarikat pembungkus lain yang beroperasi di Seberang Perai, Pulau Pinang turut mengedarkan minyak masak bersubsidi 1 kilogram ke daerah yang sama.

7. Akhbar tempatan yang terlibat turut menyatakan had pembelian yang menyukarkan kepada peniaga-peniaga kecil semasa membeli minyak masak subsidi paket polibeg 1 kilogram. KPDNHEP ingin menjelaskan bahawa **minyak masak subsidi polibeg 1 kilogram adalah untuk kegunaan isi rumah domestik dan had pembelian yang ditetapkan adalah bertujuan untuk memastikan lebih ramai isi rumah dapat menikmati subsidi yang diberikan oleh Kerajaan. Sehubungan itu, peniaga, peniaga kecil dan pengusaha kedai makanan yang menggunakan minyak masak untuk tujuan jualan adalah tidak termasuk dalam golongan sasar minyak masak bersubsidi ini.**

8. Sehubungan itu, pemeriksaan telah dijalankan ke atas premis runcit di kedua-dua daerah di atas dan mendapati bekalan minyak masak mencukupi di pasaran. Walau bagaimanapun, isu kekurangan bekalan minyak masak 1 kilogram polibeg bersubsidi telah dibangkitkan kerana keinginan peniaga, peniaga kecil dan pengusaha makanan untuk membuat pembelian secara pukal atau dalam kuantiti yang banyak.

9. Pemeriksaan dan pemantauan kepada rantai bekalan minyak masak subsidi polibeg 1 kilogram akan terus dilaksanakan bagi memastikan bekalan minyak masak bersubsidi ada di pasaran untuk kegunaan pengguna domestik dan memastikan tidak berlaku sebarang penyelewengan ke atas subsidi yang diberikan dalam pengeluaran dan pengedaran minyak masak bersubsidi 1 kilogram.

10. Pengguna diminta untuk akur kepada had pembelian supaya lebih ramai isi rumah domestik dapat menikmati minyak masak bersubsidi polibeg 1kg dan Peniaga pula diminta untuk mematuhi arahan untuk memastikan had pembelian serta pembelian hanya untuk isi rumah domestik dan bukannya peniaga, peniaga kecil dan pengusaha kedai makan dilaksanakan di semua premis masing-masing.

11. KPDNHEP amat menghargai kepada mana-mana pihak untuk menghubungi pejabat KPDNHEP negeri atau cawangan di Negeri Pulau Pinang untuk mendapatkan maklumat yang tepat mengenai keberadaan bekalan barang kawalan di pasaran bagi mengelakkan atau menimbulkan keadaan dan situasi pembelian panik kepada semua pihak.

Tuan Haji Azman Adam
Pengarah, Bahagian Penguat Kuasa
Kementerian Perdagangan Dalam Negeri Dan Hal Ehwal Pengguna

16 November 2021

###